

walter basso

L'ARTICOLETO AL CREN

a cura de Walter Basso - www.edizioniscantabauchi.it


FÍGARI & CUAFER

Stanote finché invesse de dormire cogitavo produsendo nove idee a nastro me ze vegnù inamente come col passare dei ani serte profession sia stà esageratamente nobilitae. Intendo dire che na volta fare un serto lavoro gera solo na necessità e el popolasso considerava serti professionisti semplicemente dei agricoli come lori mentre desso i stessi professionisti ze considerà adiritura ecessionali artisti... Parlo dei "barbieri", na volta diti volgarmente anca "figari" o "tosacani" e desso invesse diti pomposamente "cuafer" (che no vol dire "fare il gheì" anca se serti efetivamente)... Na volta i "figari" laorava drento na stansa dita "botega" desso i "cuafer" laora nel cosideto "salone bisex" (che no vol dire "sala granda" ma posto de gran prestigio par òmeni e fémene). Na volta el tempo libaro i "barbieri" i lo passava in stala a mónzare le vache, curare la stala, e spandare el loame, desso i "cuafer" lo passa fasendo miting, sinposi, concorsi artistici di tallio, andando a scatiare le sgrendene ai cantanti a Sanremo e altre manifestassion dove l'arte ze de casa... E i atressi de lavoro?: na volta bastava na forfe, un fon, na machineta come quella par tosare le piègore, na scuola (par el famoso tajo "stile frate" el te posava la scuola in testa e po' co la machineta tajava tuto torno) un pètene, un penelo da barba, un rasuro, un cain par lavarte la suca, un toco de saon, un spassolon par spassolarte i peli da dosso e un camisoto da métarte torno. Desso l'atressatura ze tuta n'altra roba: el "cuafer" prima te controla un cavejo intel microscopio, po' passa i dati sul computer (par savere se el ze grasso, magro, s'el sta ben o se ga la peronospora) e po' in base ai risultati selie la duressa del'acqua (?), el sanpo (el ghe ne ga 1132 modelli), la frission, la crema balsamo al miele de cacia o gazia, ciama el garzon che te posta su na carega che pare ciavà dal Sattle dea Nasa, te lava, te suga, po' te senta su n'altra carega che pare ciavà dal'abitacolo dea Ferrari e ciama el "cuafer" che taca girarte torno, insieme al ferista che ghe passa i atressi (forfe de varie misure, fon aerodinamici che fa un vento dea madona, peteni, petenini e petenoni, machinete leletriche, bonbolete, butiliete, butiloni), come un can da usma e par tajarte la peociara ghe mete do ore bone parché ogni colpo de forfe ze studià e sofferto cofà ogni penelada de Lionardo co ga piturà la Joconda. Ogni tanto se ferma, se slontana un paro de metri, e te studia come te fussi un petoloto de can randajo po' ritaca spenotarte. Col ga finìo el te smalteca la suca co un gel speciale fato aposta solo par ti, te dà in omaggio n'altre do sforbiciade a casso de can, te ruma drento e rece e el naso par sfoltirte le foreste che ze nate da sole, e te regala grandi consili par conservare al mèjo quei quatro pei che te ghè in testa e te ciava minimo 70 euronì... Eco parché rinpianso el me vecio barbiere che me brocolava in diese minuti, me toeva pochi schei, me informava su tuti i fati del paese e

in più me regalava ogni fine ano un stupendo calendarieto prafumà incalcà de done nude che tanto ben ga fato par la me sana atività sessuale!!! E che i "cuafer" de desso vada tuti indove penso mi lori e i so saloni bisess!!!.. Desmentegavo: ricordate che manco chel "cuafer" te stà dadrio mèjo ze!



"Moreno Morello e Walter Basso nei pani di un angelo celeste a Verona"



**E' USCITO IL DVD
DIRETTO DA
WALTER BASSO!**

"FILO' 2009"

Girato in una vera stalla veneta, con la durata di circa 50 min, Filo' 2009 ti fa riscoprire una della più belle tradizioni del nostro veneto. Per sorridere, ridere e, perché no?, riscoprire la nostalgia di un tempo che fu!

Si trova in tutte le edicole di padova e provincia e in molte di treviso... Inoltre si può ordinare alle **EDIZIONI SCANTABAUCHI srl V. T.A. EDISON 18 35136 PD** o faxando al 049.5794781 o all'email: info@edizioniscantabauchi.it